

平樂府志卷二十八

武備部 三

官署

協鎮副將署順治初設於城西邑人王榮山舊居
為之建東西轅門街東為箭道康熙十年副將楊
應勝修

左營守備署在協鎮照牆南都今改設署

中軍都司署在副將署南省志

右營守備署在北門內街東

參將署在北門外七賢祠左明末燬

守禦千戶所在府左洪武十三年建今廢

平樂府志

卷二十八 官署

一

火藥局在鳳凰山東雍正十年建

恭城縣分防武職署在龍虎關汛省志駐縣城營冊

富川縣守禦所洪武二十三年立在靄石二十八

年兗徒千紀典史徐魯具奏併縣治在東北隅有

大門儀門振武堂後堂左右廊嘉靖四十五年千

戶劉國泰重建今圮

城守署在儒學東胡志在賀公祠右舊守禦所省志

麥嶺營都司署在同知署西

千總署在都司署西省志寶劍寨地方營冊

分防白沙汛把總署在白沙地方營冊

分防牛巖外委署在麥嶺南五十里

分防小水把總署在麥嶺西南五十五里志省秀峯

地方冊營

賀縣富賀營都司署在南門內明崇禎三年建本

守備署

國朝順治十四年守備蕭起鳳重建雍正九年改

守禦所正廳一座五間後廳三間儀門一座五間

大門一座三門旗纛廟一座三間皆經燒燬

東西百戶所各五間今毀以上俱明知縣王聰建

國朝守備唐鳳修復門樓甬道吏目廳二間監房一

間俱燒燬無存

提標守備衙署在舖門墟雍正二年知府胡醅仁

平樂府志

卷二十八

官署

二

倡捐知縣黃爲漢建造

修仁縣城守公署在墟頭崙汛在石墻去縣西三

十里

荔浦縣知縣周燾拓城南舊儒學地創建汛署營

房今遷於關帝廟側

昭平縣北陀城參將署今廢志胡

分防武職署在東門內今廢僦居民房志省衙署一

座駐縣城冊營

永安州東門內爲駐防公署五間汛弁兵居此

教場

府城教場舊在城東五里直指使者大閱之所人

至今呼爲大教場所以別於城北之小教場也宏
治間兵備道張吉因遠僻卽城北仙宮嶺地闢三
百餘步萬歷間知府陳啟孫見地狹於城東舊址
立演武廳周迴墻垣五百餘步天啟間府江道程
子鑿知府鄭陞知縣鄭圭復於城北拓營房地爲
小教場至今因之胡志演武廳在北門外仙宮嶺下
教場長四十八丈闊二十四丈五尺大教場在東
門外五里長八十三丈闊三十三丈五尺省志
恭城縣教場在東門外省志
富川縣演武廳在南門外有旗臺有甬道康熙十
年知縣張鵬翼建一在北門外今廢

賀縣演武廳二座今存一座在北門外省志

修仁縣演武廳在北門外教場長三十丈寬十丈

省志

荔浦縣演武廳在縣東一里長生嶺教場闊二十

三丈長四十六丈省志

昭平縣教場在北門外省志

永安州小教場在北門外一里大教場在東門外

一里

麥嶺教場一處屋一進

廉俸

廣西撫提鎮標及各營協將弁等官以兵丁名糧

爲養廉之用康熙四十二年酌給親丁名糧乾隆八年改爲養廉名糧刪去親丁名目四十六年復奉

旨以此例相沿已久不無尅扣增添等弊所設養廉名糧刪除招補實兵按品改給養廉銀兩以乾隆四十七年爲始俱令動用正項

乾隆十八年覆准綠旗營武職向係照銜食俸副將以下各官原係按品定俸毋庸再議

副將俸銀五十三兩四錢五分八釐薪銀一百四十四兩心紅銀一百零八兩蔬炭銀七十二兩養廉銀八百兩營冊一俸薪共二分

平樂府志

卷二十八 廉俸

四

都司俸銀二十七兩三錢九分四釐薪銀七十二

兩心紅銀二十四兩蔬炭銀十八兩養廉銀二百六十兩營冊九錢九分六釐

守備俸銀十八兩七錢六釐薪銀四十八兩心紅銀十二兩蔬炭銀十二兩養廉銀二百兩營冊六錢

千總俸銀十四兩九錢六分四釐八毫薪銀三十

三兩三錢零五釐二毫養廉銀一百二十兩營冊四十五錢

把總俸銀十二兩四錢七分一釐薪銀二十三兩五錢二分九釐養廉銀九十兩營冊三兩零六錢

外委無俸養廉銀十八兩

軍餉

明

平樂所官軍共計三百十三人每月支糧米三百二十一石七斗六升歲共米三千八百六十一石一斗二升內夏秋二季該米一千九百三十石零五斗六升於慶豐倉支領冬春二季該米一千九百三十石零五斗六升每石折銀三錢五分共該銀六百七十五兩六錢九分六釐於府庫支領又月支折鈔米八十五石三斗歲共該一千零二十三石六斗每折鈔二十貫共該二萬零四百七十七

二貫每貫折錢一文共該錢二萬零四百七十二文每錢七十文折銀一錢共該銀二十九兩二錢四分六釐三毫零在府庫支領定昭營月支餉銀二百七十九兩六錢一分廣運營月支餉銀九十兩二錢五分桐亮營月支餉銀四十八兩二錢大定營月支餉銀二十四兩七錢足灘營月支餉銀六十二兩八錢桐木岵營月支餉銀三十二兩五錢團山營月支餉銀一百十兩八錢龍頭磯營月支餉銀七十一兩七錢湖廣哨官月支廩給銀一兩五錢軍月支行糧米四斗五升折銀一錢五分七釐五毫桂林哨月支餉銀五十三兩九錢土

兵戍守每名月支行糧魚鹽折銀二錢五分犒賞
每歲四次每次官銀七錢官男官族每名銀五錢
大頭目每名三錢小頭目每名銀二錢散兵每名
銀七分

國朝外委馬兵月支餉銀一兩九錢 內扣

戰兵月支餉銀一兩四錢五分 內扣五分

守兵月支餉銀九錢七分 內扣三分

每月支米三斗

副將兩營每年分春秋二季請領兵餉共銀八千
七百三十三兩二錢四分每月散支銀七百五十
五兩九錢七分每月共米二百零二石五斗

平樂府志

卷二十八

軍餉

六

富賀營每月散支銀二百九十二兩三錢二分每
月共支米八十石零七斗

麥嶺營每年共請餉三千一百一十兩零二錢八
分每月散支銀二百五十九兩一錢九分每月關
米七十石零八斗奉撥富川平樂慶豐倉運付

紅白事賞卹銀

廣西綠營兵丁如遇娶妻及父母身故每事賞銀
三兩如嫁女娶媳及祖父母并兵丁之妻身故每
事賞銀二兩其銀於各營裁扣口糧并裁馬改戰
裁戰改守各項節省銀兩內動支乾隆四十六年
奉

旨紅白銀兩裁扣兵糧兵額不足以四十七年爲始
改動正項其裁兵銀兩解公應賞銀照舊支給
平樂協歲撥銀二百三十兩
富賀營歲撥銀九十二兩
麥嶺營歲撥銀八十兩
以上同兵餉造冊請撥有餘仍歸正項不敷則在
支剩兵餉內撥給

公費

廣西各標協營年中領運餉項硝磺弁兵盤費水
脚修製軍械等項以原設公費銀兩按營大小抽
撥虛兵名糧應用乾隆四十六年奉

旨將按名挑補實兵各營公費以四十七年爲始改
撥正項四十九年新添兵丁應增公費卽以是年
銀數爲准

平樂協歲撥銀二百六十九兩零八分二釐
富賀營歲撥銀一百零七兩二錢三分四釐
麥嶺營歲撥銀九十四兩零七分九釐以上彙同
兵餉造冊請撥

營馬

宋建炎四年五月市廣西馬末年又請市戰馬紹
興三年四月又置買馬司以帥臣領其事然諸蠻
本自無馬蓋又市之南詔南詔卽古大理國也紹

興七年廣西進出路馬十匹御厰留一匹餘付殿前司上謂輔臣曰朕所留一匹幾似代北所生廣西亦有此馬之良者不必西北可知

乾道二年七月初置提舉司主牧馬監時市馬於廣西故先擇牧地置營樞密院卽邕州置買馬司馬必四尺二寸以上每十匹爲一營二月初置廣西提舉買馬司於賓州買多出羅殿白杞彼乃以錦綵博於大理世稱廣西馬實非也橫山寨博馬場互市以銀鹽綵錦相參而行

明廣西都司所屬衛所牧養馬匹正統間例以軍戶丁多者獨養一匹專令本軍騎操謂之獨戶馬

軍其丁少者或三戶五戶朋養一匹歲輪一戶軍騎操謂之廣合馬軍後來因朋合輪當者少閑騎射專令一戶軍騎操名曰正戶貼戶人丁但幫助喂養彼時馬一匹例以八丁共養一遇調征回還馬亡過半初時每馬一匹額定官價銀六兩若一年倒死一次則三丁養馬者每丁該出銀二兩倒死二次每丁該出銀四兩以此貧薄之家無所設措盡行鬻賣房屋子女以充馬價以致丁逃戶徙者不可勝計

蘇濬論云粵不產馬亦非用馬地也宋時西北之產不充內廐不獲已而開馬市於邕紹興間所進

多市之南詔卽雲錦成羣亦安能與冀北渥洼之
產競其馳驅我國家天閑皆西極上乘粵西土司
貢馬且易以朱提留之粵藩而已大都平原利騎
兵陵谷利步兵粵諸獠獍據高岡伏深箐僅可容
足卽有驃騎神駿無所用之矣文載
廣西都司所屬衛所牧養馬匹平樂守禦千戶所
馬五十二匹富川守禦千戶所馬七十六匹
國朝順治六年題准官員騎坐馬皆係自備名曰例
馬每月照支草料十六年題准例馬副將十二匹
參將八匹遊擊六匹都司守備各四匹千總把總
各二匹

順治八年題准副將以下把總以上每月於應支
銀內扣二錢馬兵扣一錢步兵扣五分守兵扣三
分名曰朋扣存貯營中以備買馬之用
乾隆九年議准外委千把總原領之馬卽供騎操
原未令其存價遇有倒斃統入營馬數內開報倒
斃動支朋扣銀購買
乾隆二十年議准營馬價值廣西准以十六兩報
銷

順治四年題准馬乾草豆照例按季關支春冬有
豆草處每匹月給豆九斗草三十束每束重七觔無豆
草處月給乾銀一兩夏季有放青處月給乾銀五

錢無放青處月給乾銀九錢

原設撫提二標馬二步八其各城守營馬一步九
撫憲郝公浴全裁留步

協鎮營官自備馬三十二匹官馬三十匹每匹春
冬二季每月支穀草銀七錢三分二釐夏秋二季
每月支馬乾銀九錢每匹歲支乾料銀九兩七錢
九分二釐遇閏加增小建扣除每石穀折銀四錢
草每百觔折銀六分
富賀營官自備馬十四匹戰馬十五匹乾草銀同
麥嶺營官自備馬十四匹官馬十五匹每月乾草銀
同

器械

平樂營

子母砲十位

紅衣大砲四位

鎮守昭平樂府二位
鎮守平樂縣二位

過山鳥砲二十三桿

馬蹄砲十三位

弓箭一百三十一副官兵自備箭五千七百一十
枝

鳥鎗三百九十一桿

刷刀六十五張

牌刀六十五張

長鎗七十七桿

雙手帶刀六十五張

腰刀五百九十口

富賀營

子母砲六位

過山鳥砲九位

馬蹄砲四位

麥嶺營

紅衣砲二位

子母砲五位

過山鳥砲五桿

平樂府志

卷二十八

器械

十一

馬蹄砲四位

鳥鎗一百三十桿

弓箭四十副官兵自備戰箭二千六十枝

刷刀二十一張

籐牌二十四面

牌刀二十四把

長鎗二十四桿

雙手帶刀二十一把

腰刀二百二十八口

左右營每年赴太平府邕湯廠買牙硝二千三百

二十一觔零赴桂林府員磺二百九十觔零

左右營預儲三年火藥八千七百觔零每年操演額銷火藥二千九百觔零

左右營預儲三年鉛五千六百一十二觔兩營額設操鉛一千五百六十四觔每年額銷鉛四百六十九觔

富賀營每年需牙硝九百二十七觔零礮一百一十五觔零火藥一千一百五十九觔

麥嶺營每年赴平樂縣局例請牙硝八百二十三觔零桂林府庫例請礮一百觔零

麥嶺營預儲三年火藥三千八十八觔零每年操演額支一千二十九觔零

麥嶺營每屆三年奉文赴南甯府庫領課鉛五百五十二觔每年支給操演鉛一百六十五觔零麥嶺營預儲三年鉛彈子一千七百一十一觔零民壯

明衛所之外州縣郡有民壯邊郡有土兵聽邊民自修器械團結防邊宏治二年立僉民壯法州縣七八百里已上僉五人五百里四人三百里三百里已上二人有司訓練遇警調發富民上直於官官自爲募或稱機兵在巡檢司者稱弓兵嘉靖二十二年增州縣民壯額大者千人次者六七百人小者五百二十鄉兵隨其風土所長應募調佐

軍旅緩急

宣德元年以伍籍空虛籍民兵編保甲有民歛土
丁民壯之名鞍馬器械官給之蠲役免丁爲役其
力

山陽胡醇仁曰民以壯稱寓武衛也今徒用之於
催科用之於拘犯得其半而失其半矣故其取之
也不以力簡閱也無其時甚則勤苦終年而工食
無聞焉是驅之爲虎以魚肉吾民也

聖天子功令維新使擇其人而時隸之較於賊至俯首
聽命於城守者有天淵矣

刑部尙書勵廷儀爲請飭州縣團練民壯以資武

備事竊惟

國家設兵以衛民大小營汛星羅碁布其制已極詳
備但兵目之數合一鎮一協計之則見其多而分
防於州縣地方則見其少有把總一員而兼防兩
三州縣者每州縣汛兵不過二十餘名其勢似覺
單弱且太平歲久恐有懈弛則彌盜安民之計不
得不預爲之籌也伏查定例各省州縣額設民壯
五十名每名按年給工食銀六兩皆於存留項下
支撥思立法之初原以壯健之民丁資守禦捕緝
之實效顧名思義蓋有深意存焉邇年以來各省
上司以公務爲名勒令州縣捐解俸工其工食既

已捐解則民壯之名存而實去或僅存十數人不
過供州縣之使令而已似應再行嚴切
勅諭各督撫勿得仍前勒令捐解俸工嚴飭各州縣
揀選民間壯丁務足五十之數核實給發工食分
派學習鳥鎗手二十名弓箭手二十名長鎗手十
名就中選其尤壯者各一人點充頭役不時操練
務使技藝嫻熟皆堪應用本縣造花名冊申送本
府之捕盜廳員轉報臬司督撫責重廳員每年查
閱如有奉行不力者卽指名題叅從重議處着爲
定例是有增兵之實而無增餉之費雖事屬民官
而隱然太平之武備用以捕緝盜賊防守城池倉
庫實均有裨益也如果臣言可採伏乞

聖主睿鑒施行奉

硃批此奏甚好該部嚴諭直省督撫實心奉行不得目

爲具文草率塞責欽此

雍正二年二月二十二日

原額民壯各屬每五十名今據省志乾隆三十一年冊檔存

麥嶺廳二十六名習鳥鎗十三名餘習挑刀鈎鏹

平樂縣四十名習鳥鎗二十名挑刀一十名

恭城縣二十二名習鳥鎗二名餘習挑刀銅叉

富川縣三十二名習鳥鎗十名餘習弓箭鈎鏹

賀縣三十名習鳥鎗十三名餘習挑刀

修仁縣二十二名習鳥鎗八名餘習挑刀藤牌
荔浦縣二十二名習鳥鎗十一名餘習挑刀藤牌
昭平縣四十名縣志作四十二名習鳥鎗二十四名餘習
弓箭長鎗挑刀藤牌
永安州二十二名習鳥鎗十名餘習挑刀
省志載民壯之設始於雍正六年平時責在巡防
緩急足資扞衛實與營兵相為表裏之用且州縣
城守兵少者不過數人而民壯多者至三四十人
是任於民壯者尤重於兵蓋民壯為已練之鄉勇
而未入伍之兵也

弓兵

平樂府志

卷二十八

民壯弓兵

十五

明

平樂縣

榕津寨

名二十

恭城縣

白面寨

西嶺寨

富川縣

邊蓬寨

名十二

寨下市

名十五

賀縣

大甯

沙田

荔浦縣

延賓

名四十

南源寨

名四十

昭平縣

龍平

國朝

恭城縣鎮峽寨巡檢弓兵十二名

富川縣白霞寨巡檢弓兵十二名

賀縣信都鄉巡檢弓兵十四名

會甯巡檢弓兵八名

昭平縣馬江巡檢弓兵十名

土舍

平樂縣

水滸營昔有麗壁市土巡檢一員革

龍頭磯有隊長一員革今在城暨廂里居民獠獞
久經編戶各村設有鄉約無復土舍名色

修仁縣

德威鎮附善鎮向俱設有土舍今廢

荔浦縣

中崗土巡檢齊凱浙江山陰人兄祀壽官南甯照

平樂府志

卷二十八 土舍

十六

磨立功於此遂世守焉後叛革

下崗土巡檢覃文舉慶遠府宜山人因父鳳宦荔
浦教諭立功於此世襲明末印失廢

永安州

榕崗等堡土舍覃滿原籍慶遠府南丹土州人嘉
靖間奉調率領土兵進勦永安獠蠻以及榕崗等
堡獠賊地方平甯世襲土舍相傳管理不與異姓
承頂傳維勲世裕世通一奇雍正二年武生一麟
襲至今不替

平崗等堡土舍李恭著原籍慶遠府南丹土州總
管於成化間奉調率領土兵進勦永安獠蠻以及

平崗等堡獠賊事平世襲土舍傳時蕃安插在州
入籍著故子廷仕於康熙三十四年襲雍正二年
廷仕年老告退上聘襲至今不替